

Nunani Avannarlarni Ministerit Siunnersuisoqatigiivi

– Sooq ilinnut pingaaruteqarpat



OQAATSIT NASSUIAATAAT



MINISTERI: Nunagisami naalakkersuisuni suliasaqarfimmut aalajangersimasumut akisussaasoq. Avatangiisinut ministerip assersuutigalugu avatangiisinut, mingutsitsinermut pinngortitamullu tunngasut akisussaaffigai.

DEMOKRATI: Innuttaasut tamarmik kia nuna aqussaneraa aalajangeraangassuk. Tamanna ima isumaqarpoq, qinersisoqaraangat kikkut tamarmik 18-it sinnerlugit ukiullit qinersisinnaapput, kikkullu tamarmik isummatik oqaatigisinnaavaat.

POLITIKERIT: Inuit aalajangiisartussatut qinikkat. Imaassinnaavoq kommunalbestyrelsimut imaluunniit inatsisartunut qinikkat. Danmarkimi inatsisartut taaneqartarput Folketinget.

KATTUFFIIT: Inuppassuit ataatsimooqatigiillutik suliaqarniaraangamik imaluunniit suliasaqarfik pingaaruteqartuusoq isumaqatigiikkaangamik taava kattuffimmik taaneqakkajuttarpoq. Assigiinngitsorpassuarnik kattuffeqarpoq. Kalaallit Røde Korsiat, Neriuffiit Kattuffiat aamma Kalaallit Nunaanni Timersoqatigiit Kattuffiat nunatsinni kattuffiit ilagaat.

ILISIMATUSARNEQ: Paasisimasallit nutaanik arlaannik paasisaqarniarlutik sukumiilluinnartumik misissuigaangata, tamanna ilisimatusarnermik taaneqartarpoq.

ILISIMASAT: Inuunerput nunarsuarpullu pillugit suliasaqarfiit pillugit ilisimasagut. Nutaanik assersuutigalugu ilisimatusarnikkut paasisaqaraangatta oqartoqartarpoq nutaanik ilisimasaqalersartugut.

GENERALSEKRETÆRI: Kattuffiup pisortaa qullerpaaq ilaanni generalsekretærimik taaneqartarpoq.

NAALAKKERSUISUT: Nunami pisortat qullersaat. Nunatsinni Naalakkersuisut Siulittaasuat Naalakkersuisunut pisortaavoq.

POLITIKKI: Nuna inuuffigalugu qanoq ittuussanersoq imaluunniit qanoq allanngussanersoq pillugit politikerit pilersaarutaat anguniagaallunniit.

FN: Isumaqarpoq Naalagaaffiit Peqatigiit. Naalagaaffit Peqatigiit nunarsuarmi nunat tamarmik kattuffigaat. Nunarsuarmi ajornartorsiutit qanorlu aaqqinneqarsinnaanersut pillugit oqallillutik ataatsimiittarput.

EU: Isumaqarpoq Den Europæiske Union. EU tassaaq Europami nunat 27-t akornanni suleqatigiinneq, tassani peqqinnissaq, silap pissusia aamma allarpassuit pillugit ataatsimut malittarisassiortoqarlunilu anguniagaqartoqartarpoq. Sverige, Danmark aamma Finland EU-mut ilaasortaapput.

NERSORNAAT: Ajugaalluni pinnattaamut oqaaseq atorineqartartoq, assersuutigalugu arlaata unammisitsineq ajugaaffigisimappagu.




HEJ!

Nunani Avannarlerni Ministerit Siunnersuisoqatigiivisa suliaasa ilaannut uunga peqataarusukkavit nuannaarutigaarput. Kisianni Nunani Avannarlerni Ministerit Siunnersuisoqatigiivi suunuku? Immaqa eqqarsarputit Nunani Avannarlerni Ministerit Siunnersuisoqatigiivi inersimasunuinnaq tunngasuusut, kisianni Nunani Avannarlerni Ministerit Siunnersuisoqatigiivi ilinnut – aamma meeqqanut inuusuttunullu tamanut Nunani Avannarlerni Ministerit Siunnersuisoqatigiivi pingaaruteqarput. Nunani Avannarlerni Ministerit Siunnersuisoqatigiivi tassaapput nunat avannarliit akornanni suleqatigiinneq. Uagut pilluta uani atuarnersinnaavutit!

Imai

- 5 Nunani Avannarlerni Ministerit Siunnersuisoqatigiivi suunuku?
- 7 Sooq Nunani Avannarlerni suleqatigiippugut?
- 9 Nunani Avannarlerni Ministerit Siunnersuisoqatigiivi sulerisarpat?
- 11 Nunani Avannarlerni Ministerit Siunnersuisoqatigiivi qanoq sulisarpat?
- 13 Suleqatigiinneq sunik pissarsiaqarfigisarpaput?
- 15 Nunani Avannarlerni Ministerit Siunnersuisoqatigiivisa meeqqat inuusuttullu sullitaraat
- 16 Nunani Avannarlerni Ministerit Siunnersuisoqatigiivi nammineq naapissinnaavutit
- 18 Uani Nunani Avannarlerni Ministerit Siunnersuisoqatigiivisa suliaannik atuarsinnaavutit





Kalaallit

NUNAT AVANNARLIIT PILLUGIT PAASSISUTISSAT

Nunani Avannarlerni nunat amerlanerit mikisuupput, kisianni Nunat Avannarliit katillutik isorartussusaat angisoorujussuuvoq. Tassami Nunat Avannarliit katillutik 3,5 million kvadratkilometerinik isorartutigipput, tassalu arsaattarfiit katillugit 528 millionit angissusaattut angissuseqarlutik. Nunat Avannarliit katillutik angissusaata affaata sinneranik Kalaallit Nunaat angissuseqarpoq – 60 procentinik.

Nunani Avannarlerni innuttaasut katillugit 27 millionit sinnerpaat.

Nunani Avannarlerni oqaatsit arfineq marluk sinnerlugit assigiinngitsut oqaaserineqarput. Tassaapput danskit, svenskit, norskit, islandimiut, finskit, kalaallit, savalimmiormiut aamma saamit oqaasii assigiinngitsut. Saamit oqaasii saaminit Norgip, Sverigep, Finlandip Ruslandillu avannaata-tungaani najugaqartunit oqaaserineqarput.



Buorre
beaivi

1971





Nunani Avannarlerni Ministerit Siunnersuisoqatigiivi suunuku?

Nunani Avannarlerni Ministerit Siunnersuisoqatigiivi 1971-imili pilersinneqarput, siunnersuisoqatigiillu nunat avannarliit suleqatigiinneranni ikiortarpaat. Nunat Avannarliit tassaapput Island, Norge, Danmark, Sverige aamma Finland, aammali Kalaallit Nunaat, Savalimmiut aamma Åland Nunani Avannarlerni Ministerit Siunnersuisoqatigiivinut ilaapput.

Nunani Avannarlerni Ministerit Siunnersuisoqatigiivi taamaallaat ataasiinnarmik siunnersuisoqatigeeqanngillat. Katillugit ministerit siunnersuisoqatigiivi 12-iupput, tamarmik assigiinngitsunik suliaqartut. Siunnersuisoqatigiinni ministerit nunanit avannarlerneersut naapittarput immikkullu susassaqaqfitsik eqqartuiffigisarlugu. Assersuutigalugu silap pissusianut avatangiisinullu ministerit naapittarput, silallu pissusia aamma avatangiisit oqallisigalugit. Aamma ilinniartitsinermut, peqqissutsimut allarpassuarnullu ministerit ataatsimiittarput.

Nunat Avannarliit tallimat Nunani Avannarlerni Ministerit Siunnersuisoqatigiivisa sulinerat paarlaattarlutik siulersortarpaat. Ukioq ataasiakkaarlugu siulersuisuusarput. Taamaalllutik nunat paarlagaallutik Nunani Avannarlerni Ministerit Siunnersuisoqatigiivisa suut qitiutillugit suliarissagaat aalajangertarpaat.





NALUNNGILIUK..

Nunani Avannarlermiut oqaasii latinskit alfabetiannik allanneqartarmata. Danskit norskillu naqinnerit æ aamma ø assigiissutigaat, svenskillu taakkununga ä aamma ö atortarpaat, islandimiut æ aamma ö atortarpaat.





Sooq Nunani Avannarlerni suleqatigiippugut?

Nunat Avannarliit amerlasuunik ataatsimoorfeqarput. Peqatigitillugu oqaluttuarisaanermi qanimut atasimavugut. Nunat arlallit imminut assingusunik oqaaseqarput. Ingammik qallunaat, svenskit norskillu oqaasii imminnut assingupput. Aamma Nunani Avannarlerni ulluinnarni inuunerput assigiittorujussuuvoq. Atuarfiit aaqqissuunneri aamma ulluinnarni sulisarnerput assigiittorujussuupput.

Aamma demokrati (tamat oqartussaanagerat) pillugu assigiimmik ataatsimut isiginnittaaseqarpugut, aamma aalajangiisartut inunnut nunami najugaqartunut qanoq pissuseqassanersut assigiimmik isumaqarfigalugu. Tamanna peqatigalugu nunani avannarlerni tamani amerlasoorpassuarnik peqatigiiffeqarpoq aamma kattuffeqarluni, inuppassuit ilaasortaaffigisinnaasaannik. Taamaalilllutik politikerit aalajangertagaat inuit sunniivigeqataaffigisinnaavaat. Nunani Avannarlerni Ministerit Siunnersuisoqatigiivisa peqatigiiffiit kattuffiillu taamaattut assut suleqatigisarpaat.

Nunallu tamakku tamaasa ataatsimoorussarimmatigit, suleqatigiinneq ajornannginnerulersarpoq.






NUNANI AVANNARLERNI MINISTERIT SIUNNERSUISOQATIGIIVISA UKU SULISSUTIGAAT


Nunani Avannarlerni nunat tamat akornanni killeganngitsumik angalasoqartuaannartassaaq.

Nunat Avannarliit piujuartitsisuussapput. Nunani avannarlerni inooriaatsitta nunarsuaq qajannarsisissanngilaa imaluunniit inuit nunarsuaq qajannarsisissanngilaat.

Arnat angutillu akornanni naligiissitaaneq Nunani Avannarlerni pingaaruteqarluinnarpoq. Naligiissitaaneq isumaqarpoq angutit arnallu assigiinnik periarfissaqartut, assigiinngisitsisoqassanngitsorlu.

Politikerit meeqqat inuusuttullu tusaasassavaat. Meeqqat inuusuttullu namminneq nunarsuamik siunissartillu pillugit sunniiviginissaannut periarfissaqassapput.






Nunani Avannarlerni Ministerit Siunnersuisoqatigiivi sulerisarpap?

Ministerit siunnersooqatigiiviisa sulerissanerlutik suleqatigiillutik aalajangertarpaat. Nunani Avannarlerni Ministerit Siunnersuisoqatigiivi ataatsimiikkaangamik oqallittarput suullu namminneq suliassaqaarfimminni sularissanerlugit aalajangertarlugit. Aalajangiigaangamik isumaqatigiittassapput. Aamma taama aningaasat sumut atorineqassanersut aalajangertarpaat.

Nunani Avannarlerni Ministerit Siunnersuisoqatigiivi allattoqarfeqarput, allaffittut taaneqarsinnaasumik. Tassani inuit Nunat Avannarlernit tamaneersut sulisarpap, tassanilu svenskisut, norskisut danskisullu oqalluttoqartarpoq. Tassani ministerit suliassat aalajangigaat sularineqartarput. Allattoqarfimmi generalsekretæreqarpoq, taassuma Nunani Avannarlerni Ministerit Siunnersuisoqatigiivini ulluinnarni suliassat aalajangertarpai. Kisianni ministerit, tassaasut Nunani Avannarlerni naalakkersuisut tamarmik suliassat qanoq sularineqassanersut aalajangertarpaat.








Nunani Avannarlerni Ministerit Siunnersuisoqatigiivi qanoq sulisarpat?

Nunani Avannarlerni Ministerit Siunnersuisoqatigiivi inuit nunani avannarlerneersut assigiinngitsuneersut ingammik naapitsinniarlugit sulisarpat. Taamaattumik Nunani Avannarlerni Ministerit Siunnersuisoqatigiivisa nunani avannarlerneersut inuit assigiinngitsut suleqatigiinnissaat anguniarlugu ikiuuttarpot. Assersuutigalugu kattuffiit meeqqat inuusuttullu pisinnaatitaaffiinik suliaqartut Nunat Avannarlerneersut tamarmik ataatsimiinnissaannut aningaasaliisarpot. Aamma Nunani Avannarlerni Ministerit Siunnersuisoqatigiivi inunnut filmiliornermik atuakkiornermillu suliaqartunut imaluunniit sammisaq arlaat pillugu quppersagaliortunut aningaasaliisarpot.

Nunani Avannarlerni Ministerit Siunnersuisoqatigiivisa allattoqarfiani sulisut suliassaqarfiit assigiinngitsut iluanni ilisimatusarnerit ilisimasallu katersortarpaat. Taava nunat assigiinngitsut naalakkersuisuini inatsisartuinilu politikerit ilisimasat taakku namminneq politikkiminni atorsinnaavaat. Assersuutigalugu Nunani Avannarlerni Ministerit Siunnersuisoqatigiivisa, Nunani Avannarlerni nerisassat peqqinnartut pillugit siunnersuutit maanna malinneqartut aalajangertarpaat, taakkulu ilaatigut atuarfinni malinneqarpot.

Aamma Nunani Avannarlerni Ministerit Siunnersuisoqatigiivi namminneq ataatsimeersuartitsisarpot. Assersuutigalugu ataatsimiinnerit assigiinngitsut pillugit meeqqat qanoq isumaqarnertik pillugu politikerinut oqaluttuarnissaannik periarfissiisut.






Suleqatigiinneq sunik pissarsiaqarfigisarpaput?

Nunani Avannarlerni ilisimasat immitsinnut avitseqatigiiffigigaangatsigit assut pissarsiffigisarpaput, tassami nunat avannarliit imminnut assingunermik. Assersuutigalugu Sverigemi arlaat sunaluunniit ingerlalluarpaput, taava aamma ilimanarluinnartarpaput nunani avannarlerni allani aamma ingerlalluarumaartap.

Suleqatigiinneq aamma nukittuunngortitsisarpaput. Nunat avannarliit tamarmik nunaapput mikisunnguut. Taamaattumik nunarsuarmi tusaaneqarusukkutta ataatsimoornissarpaput pingaaruteqarpaput. Taamaasilluta nunarsuarmi nunat angisuut akornanni sunneeqataanerulersinnaavugut.

Assersuutigalugu nunat avannarliit Naalagaaffiit Peqatigiinni tamatigut suleqatigiittarpaput. Tassani ataatsimooraangatta nukittunerusarpugut nunallu allat sunniivigisinnaalersarlugit. Assersuutigalugu meeqqat, inuusuttullu imaluunniit silap pissusia aamma avatangiisit pillugit suliaasaqarfinni.

Nunat Avannarliit EU-mi ilaasortaasut aamma imminnut assut suleqatigiittarpaput.



Asasakka Nunani Avannarlerni
Ministerit Siunnersuisoqatigiivi,
isumassarsiatialsialateqarpugut



Nunani Avannarlerni Ministerit Siunnersuisoqatigiivisa meeqqat inuusuttullu sullitaraat

Nunani Avannarlerni Ministerit Siunnersuisoqatigiivisa anguniagaasa pingaarnerit ilagaat Nunani Avannarlerni meeqqat inuusuttullu pitsaasunik atugaqarnissaat.

Taamaattumik ministerit siunnersuisoqatigiivisa suliassaqaarfiini suliassat tamarmik meeqqanut inuusuttunullu qanoq sunniuteqarnissaat pillugu eqqarsaatigilluarneqarnissaat isumagisarparput. Aamma meeqqat inuusuttullu qanoq sunniuteqarsinnaanerit ilanngullugu sulissutigisarlugu.

Nunani avannarlerni tamani kattuffiit meeqqanik inuusuttunillu sullitaqartut qanimut suleqatigisarpagut. Nunani politikerit aalajangiissagaangata inuusuttut tusaaneqarlutillu pegataatinneqarnissaat sulissutigisarparput.

Nunat avannarliit akornanni atuartut naapittarnissaat kissaatigaarput. Nunani avannarlerni oqaatsit pillugit meeqqat ataatsimoortillugit suliuniuteqartarpugut. Nunat avannarliit akornanni meeqqat inuusuttullu pingaartitaminnik sorsuutiginnillutik suliniuteqartut tapersersortarpagut. Nunani Avannarlerni Ministerit Siunnersuisoqatigiivinit meeqqat inuusuttullu pegataatinnerorusuppagut. Illit Nunani Avannarlerni meeqqat inuusuttullu ataatsimoorlutik suliniutigisinnaasaat pillugu isumassarsiaqaruit Nunani Avannarlerni Ministerit Siunnersuisoqatigiivi attavigisuaannarsinnaavatit.

Isumassarsiat uunga allaaseriuk **nmr@norden.org**



Nunani Avannarlerni Ministerit Siunnersuisoqatigiivi nammineq naapissinnaavatit



NUNAT KILLINGINI

Nunani Avannarlerni angalassaguit Nunani Avannarlerni nunat qanoq Nunani Avannarlerni Ministerit Siunnersuisoqatigiivini qanimut suleqatigiitsiginersut erseqqissumik takusinnaavat. Nunat Avannarliit sumiiffiat ataasiuvoq. Nunani avannarlerni nunat arlaanni najugaqaruit taava nunanut avannarlernut allanut passi takuteqqaarnagu killilersorneqarnak angalasinnaavutit. Piffissalli ilaanni aalajangersimasuni nunat killingini nakkutilliisoqarsinnaasarpog. Assersuutigallugu 2020-mi taamaaliortoqarpoq coronavirus nutaaq Europamut anngummat inuppassuillu aamma nunani avannarlerni napparsimalermata. Kisianni nalinginnaasumik nunat allat killeqarfii uniffiginagit ingerlaannartoqarsinnaavoq. Aamma nunanut allanut ajornaquteqanngitsumik suliaortortoqarlunilu ilinniariartortoqarsinnaavoq.



PISINIARFINNI

Pisiniaraangavit Nunani Avannarlerni Ministerit Siunnersuisoqatigiivi naammattoortarpatit. Nunani Avannarlerni Ministerit Siunnersuisoqatigiivisa ilisarnaat Svanemærket pilersitaraat, taanna avatangiisit pillugit meqqit siulliit ilagaat. Meqqi taanna pisiassat peqqissutsimut avatangiisinullu piumasaqaatinik naammassinnissimasut pisinnaavaat.



ATUAGAASIVIMMI

Kulturi eqqumiitsuliornerlu Nunani
Avannarlerni ataatsimooqatigiinnermut
pingaaruteqarput. Taamaattumik
Nunani Avannarlerni Ministerit
Siunnersuisoqatigiivi amerlasuunik
nersornaateqarput, Nunani
Avannarlerni atuakkanut filmilianullu
pitsaanerpaanut tunniunneqartartut.
Aamma meeqqanut inuusuttunullu
atuakkianut nersornaammik immikkut
tunniussisoqartarpoq.
Nunani Avannarlerni Ministerit
Siunnersuisoqatigiivi aamma
avatangiisit pillugit nersornaasiisarput,
tassani suliniutit immikkut ittut
imaluunniit kattuffiit pinngortitaq
pillugu suliniuteqartartut
nersornaasertarlugit. Assersuutigalugu
pinngortitaq aamma avatangiisit
pillugit suliassa qarfik nersorsaammik
pilersitsippat, tamanna suliassa qarfik
siunnersuisoqatigiit pingaartitarigaat
takussutissaavoq.

UNANI NUNANI AVANNARLERNI MINISTERIT SIUNNERSUIISOQATIGIIVISA SULIAANNIK ATUARSINNAAVUTIT



INATSISIT EQQARTUUSSIVEQARNERLU

Nunani Avannarlerni ajornannginnerusumik suleqatigiittoqalissappat taava nunani assigiinngitsuni inatsisit malittarisassallu assigiinnissaat pingaaruteqarpoq. Nunat Avannarliit sulit atanerulernissaannut tamanna attuumassuteqarpoq.

SULIFFEQARNEQ

Nunani Avannarlerni suliaartortarneq nuannersuussaaq. Napparsimalersaqaranilu sulerulunnermit qajannarsisoqassanngilaq. Peqatigitillugu suliffeqarfigisami Nunani Avannarlermiunik suminngaanneersunilluunniit sulisussarsiorsinnaaneq sapernanngitsuussaaq. Taamaattumik nunat avannarliit suliffeqarnermut malittarisassat pillugit assut suleqatigiittarput.

AVATANGIISIT SILALLU PISSUSIA

Nunat Avannarliit nunat avatangiisit silallu pissusia pineqartillugit tamarmik siulliorusuttarput. Nunat tamarmik pitsaanerusumik silap pissusianik mianerinninniarlutik puijuartitsinerulerniarlutillu assut iliuuseqartarput, kisianni pitsaanerulersinnaavugut. Nunat Avannarliit ataatsimoorlutik nunarsuarmi nunanut allanut sunneeqataanerulersinnaapput, taakku nunarsuaq aamma paarineruniassammassuk.

MEEQQAT INUUSUTTULLU

Nunat Avannarliit nunarsuarmi meeqqanut inuusuttunullu inuuffigissallugit pitsaanerpaassapput. Tamanna ima isumaqarpoq, Nunat Avannarliit meeqqat inuusuttullu pitsaasunik atugaqarnissaat qulakkiissavaat, aamma

tusaaneqarsinnaatitaanertik ilisimassagaat ilanngullugu. Aamma imminnut tunngasunik aalajangiisartut sunniivigisinnaanissaannut periarfissaqassapput.

KULTURI

Eqqumiitsuliorneq kulturilu nunat avannarliit akornanni ataatsimoorfiupput pingaarutillit. Nunani Avannarlerni eqqumiitsuliornerup kulturillu pilersinneqartartut naleqartitagut ataatsimoorfigisagut suunersut takutittarput.

ILINNIARTITAANEQ AAMMA

ILISIMATUSARNEQ

Nunani Avannarlerni Ministerit Siunnersuisoqatigiivisa aamma ilinniagaqarneq ilisimatusarnerlu Nunani Avannarlerni pitsaasumik ataatsimoorfiunissaat sulissutigaat, tamanna meeqqat, inuusuttut inersimasullu iluaqutigissavaat.

NALIGIISSITAANEQ

Nunani Avannarlerni qanorluunniit suaassuseqaraluaraanni kikkunnut tamanut assigiimmik periarfissaqartoqassaaq. Naligiissataaneq isumaqarpoq angutit arnallu assigiinnik periarfissaqartut, aamma assigiinngisitsisoqassanngitsoq. Nunani Avannarlerni nunat naligiissitaaneq pillugu ukiut 40-t sinnerlugit suleqatigiissimapput.

OQAATSIT

Nunani Avannarlerni oqaatsigut atorlugit immitsinnut paasiniartarnissarput pingaaruteqarpoq. Ingammik danskit, norskit svenskillu oqaasii atorlugit. Nunat akornanni oqaatsigut nalunngikkutsigit angalaneq, ilinniagaqarneq aamma sulineq sapernannginnerulersarput.



**Nunani Avannarlerni Ministerit Siunnersuisoqatigiivi
– Sooq ilinnut pingaaruteqarpat**

Nord2021-045

ISBN 978-92-893-7077-6 PDF

<http://doi.org/10.6027/nord2021-045>

© Nunani Avannarlerni Ministerit Siunnersuisoqatigiivi 2021

Allaaserinnittoq: Turi Kjestine Meyhoff
Najoqqutat: Amalie, 11 år - Alfred, 11 år
Minna, 10 år - Emma, 10 år - Billie, 11 år
Titartaasoq: Knud Andersen



NUNANI AVANNARLERNI SULEQATIGIINNEQ

Nunani Avannarlerni suleqatigiinneq nunarsuarmi sumiiffimmi ataatsimi suleqatigiiffiunerpaavoq. Suleqatigiinnermut ilaapput: Danmark, Finland, Island, Norge, Sverige, Savalimmiut, Kalaallit Nunaat Ålandilu.

Nunani Avannarlerni suleqatigiinneq politikkikkut, aningaasaqarnikkut kulturikkullu suleqatigiinnermik tunngaveqarpoq, Europami aamma nunat tamalaat akornanni suleqatigiinnermi pingaarutilimmik suleqatigiittoqarluni. Nunani Avannarlerni ataatsimooqatigiinnermi sulissutigineqarpoq: Europami nukittuumi Nunat Avannarliit nukittuut.

Nunani Avannarlerni suleqatigiinnermi nunat avannarliit aamma sumiiffiit soqutigisaat naleqartitaallu nunarsuarmi patajaallisarneqarnissaat kissaataavoq. Nunat akornanni naleqartitat ataatsimoorussat Nunat Avannarliit nunarsuarmi nutaalliorfiunerpaatut unammillersinnaalluvarnerpaatullu inissisimanerat patajaallisaaffigaat.

Nunani Avannarlerni Ministerit Siunnersuisoqatigiivi
Nordens Hus
Ved Stranden 18
1061 København K
www.norden.org

Nunanit avannarlernit saqqummersitat allat atuakkit:
www.norden.org/da/publikationer



Nunani Avannarlerni Ministerit
Siunnersuisoqatigiivi
Nordens Hus
Ved Stranden 18
1061 København K
www.norden.org

Nunani Avannarlerni Ministerit Siunnersuisoqatigiivi nunarsuarmi ataatsimooqatigiiffiit pisoqaanersaraat. Nunani Avannarlerni nunat suleqatigiissutigisarpaat silap pissusia, avatangiisit, ilinniartitaaneq, suliffeqarneq, meeqqat inuusuttullu.

Nunat Avannarliit pingasunik namminersorlutik oqartussa qarfiusunik nunaqarput, tallimanik nunaqarlutik inuulu 27 millioniupput. Nunani Avannarlerni suleqatigiikkaangatta nukittunerullutalu nunarsuarmut tamarmut iluaqutaasinnaavugut.

Quppersakkami Nunani Avannarlerni Siunnersuisoqatigiit pillugit atuarsinnaavutit.

